

APMM rampas bubu naga

SH 17/7/2019 m/s 38

LANGKAWI - Agensi Penguatkuasaan Maritim Malaysia (APMM) Kedah dan Perlis merampas sebanyak 41 unit bubu naga kira-kira 1.2 batu nautika barat laut Pulau Rebak Besar di sini kelmarin.

Pengarahnya, Laksamana Pertama Maritim Rozali Mohd Said berkata, Pusat Operasi Maritim Langkawi menerima aduan berkaitan penggunaan peralatan itu kira-kira jam 2.30 petang.

Susulan itu katanya, sebuah bot peronda Maritim Malaysia pergi ke lokasi dan menemui 41 set peralatan menangkap ikan dikenali sebagai *China prawn net trap*.

"Alat ini dipercayai dipasang di beberapa lokasi yang berbeza sepanjang kawasan tersebut. Kesemua bubu itu dibawa ke Jeti APMM Bukit Malut untuk siasatan mengikut Akta Perikanan 1985," katanya dalam satu kenyataan semalam.

Orang ramai boleh menghubungi talian kecemasan 24 jam MERS 999 atau Pusat Operasi Maritim Malaysia Langkawi di talian 04-9662750 untuk memberi maklumat jenayah berkaitan.



Antara bubu naga dirampas APMM Kedah dan Perlis kira-kira 1.2 batu nautika barat laut Pulau Rebak Besar semalam.